

INCOMBUSTIBILI LINO,

S I V E

LAPIDE AMIANTO

Deque illius filandi modo

EPISTOLARIS DISSERTATIO

AD REVERENDISSIMUM PATREM

FR. BERNARDVM IOSEPHVM

A I E S V M A R I A

*Commissarium, Procuratoremque Generalem
totius Franciscanae familiae, Terra Sancta,
in Romana Curia.*

IOANNIS CIAMPINI ROMANI

Magistri Breuium Gratiae,

Bibliotheca

A C

ser. coll. Rom.

loc

In vtraque Signatura Referendarij. *rosa*



ROMÆ, Typis Reu. Camerae Apostolicæ. CIOIOCXCI.

SVPERIORVM PERMISSV.

Imprimatur

Si videbitur Reuerendiss. P. Mag. Sac. Apost. Pal.


S. I. Menattus Episc. Cyren. Vicefg.

Imprimatur


**Fr. Franciscus Maria Forlani Reuerendiss. P. Fr.
Thomæ Mariæ Ferrari Sac. Ap. Pal. Mag. Soc.
Ord. Præd.**



5



3







GRATISSIMA sunt beneficia parata, facile occurrentia, ubi nulla mora fuit, nisi in accipientis verecundia, dixit sapientie ille fons L. Annæus Seneca lib. 2. cap. 1. de Beneficijs. Inter præclaras igitur Reuerendissime Paternitatis tuæ animi dotes, quibus te ornavit Altissimus, benefaciendi voluntas mirum in modum excellit, ac relucet, cuius ego testis esse possum, nam cum nulla nobiscum intercederet necessitudo, nihilominus Paternitas tua mihi roganti, ut ex Orientalibus plagis, si quæ in illis partibus sacra extarent musiva, illorum exempla transmitti curaret, meæ petitioni statim arrisit, ac me inclytæ Bethlehemitanæ Ecclesiæ musivorum operum, accuratissimè delineatorum, exemplari ditavit; idque non solum per quam celerrimè, verum summâ cum liberalitate præstitit, dum me ab omnibus prorsus impensis, quæ haud leues necessariò fuere, reddidit immunem; ac præterea meum Cimetium Sancti Sepulchri modulo, nonnullisque curiosis illarum Orientalium partium rebus auxit. Quare animo reuoluens quid facere valerem, ut Mnemosynon hoc omnibus innotesceret, cum gratus animus inter virtutes omnes laudatissimus, ac res Deo, & hominibus grata, iucunda, bonique nominis sit. Docuit enim nos mellissus Clareuallensis Abbas; In referendis gratijs viam non tardum esse debere, non segnem, sed ad singula dona gratias agere. Sanctus verò Ioannes Chrysostomus hom. 25. supra Matthæum dixit: Optimâ beneficiorum custodem esse ipsam memoriam beneficiorum, ac perpetuam confessionem gratiarum. Propterea nolui à te mihi collatum beneficium sub silentio præterire, sed palam omnibus facere, & in grati animi tesserâ aliquid promere. Cum igitur tuis sacris studijs etiam illa naturalis philosophiæ coniungas, proptereaquæ à me sciscitaueris, an in Aca-

demia Physico-mathematica, quæ domi meæ iam à multis habetur annis, frustum aliquod incombustibilis lini Amianti demonstratum fuerit; tuæ huiusmodi petitioni statim respondi, non solum huiusce rei eadem in Academia sapius periculum fuisse factum; verum etiam eiusdem lini filandi modum à quodam Amico iam me didicisse, quem publici iuris sæpe facere decreueram, sed usque ad hodiernam diem distuli, & ut curiositati tuæ pro viribus indulgerem, & linum, & frustulum, & chartam ex eadem materia confectam, tibi ostendi, & in signum deuinctio- nis meæ dono dedi. At pro maiori huius rei eruditione, quidquid eadem in Academia de ea re dissertū fuit, & lini huiusmodi filandi modum, vix paucissimis hodie notum, tuis sub oculis ponere, tuique sub nominis auspicio palam facere decreui. Accipe igitur ea, quæ dicturus sum, hilari, gratoque animo, tanquam à deuincto corde proue- nientia,

Amiantus lapis est, sic dictus à græca voce ἀμιάντος, quæ à verbo μιάνω originem ducit, quod *maculare* deno- tat. Propositio verò α privationis signum est, scilicet non maculare, quare Αμιάντος idem sonat, ac *immaculatus*, Fortun. Licet. de Lucernis lib. 2. cap. 14.

Ab eisdem Græcis denominatur ασβεστος, quod apud ipsos Calx dicitur, eo quia in igne durat, ac candorem, purificationemque in eodem, ut Calx, acquirit; idem Li- cet. lib. 3. cap. 27,

Nec desunt qui lapidem istum βοσρυχίτιν appellant à Comarū similitudine. Alij verò Poliam, siue σπαρτοπολίαν spartopoliam denominant, quia tanquam linum netur.

Latini verò linum viuum vocitant, quoniam in igne minimè extinguitur; quandoque verò linum Charystium, siue Carpasium, aut Creticum denominant, à locis in qui- bus foditur, ut infra fusiùs demonstrabo,

Quan-

5

Quando à fodinis eruitur diuerſorum colorum apparet, nempe albi, ſubalbidi, ſubrubei, plumbei; quare nonnulli huiusmodi coloribus inducſi, Amianthum credidère idem, ac alumen plumæ eſſe. At à veritate ſe alienârunt, quoniam eoſdem lapides minimè periclitati fuère, vt eâdem in Academia factum fuit.

Huiusmodi lapis, qui ad meas peruenit manus, quatuor eſt ſpecierum, cùm ex quatuor diuerſis fodinis, diuerſis in locis ſitis, erutus ſit.

Primus, quem mihi iam à pluribus annis tranſmiſit bon. mem. Carolus Fabritius Iuſtinianus, Epiſcopus Marianenſis in Corſica, longus eſt, cùm nonnulla fruſtula, quæ ligneam formam habent, ad dimidij, & vltra, palmi longitudinem ſe protendant, coloris ſubalbidi, ad ruſum tendentis.

Alter plumbei coloris, ad argenteum appropinquantis, mollior, breuiorque eſt, cùm in longitudine tres palmi vncias minimè excedat. Lapis eruitur iſte ad Sextum Ligurię, vulgò *Seftri di Ponente*: eum dē lapidem mihi tranſmitti ex illo loco curauit bo. me. Ludouicus Perez Ord. Carmelit. in publico Romano Lyceo Theologiæ Lector, cùm propè fodinam eiſdem Religionis Patres Cœnobium habeant.

Tertius verò omnium iſſimus, veluti ſquammiſ, vna ſuper alteram impoſitis, ad cepæ formam compoſitus eſt, terrei coloris in nigritudinem vergentis, intermixtis quandoque nonnullis albis ſuperficiebus, ſiue delineamentis, nonnullis verò nigris, alijs ſubruſis, ſiue terreis: in longitudinem vix ad duo minuta vnciæ palmi Romani pertingit, quare potius ad conficiendam chartam, quàm ad nendum aptus videtur: hunc à Paternitate tua Reuerendiſſima accepi, quem è Cypro tibi tranſmiſſum fuiſſe aſſeruifſi.

Cùm hæc exarabam ſuperuenit R. P. Siluius Bocconus Monachus Ci. terciēſis, in ſeculo Paulus Bocconus nomina-

rus, vir apprime in rebus naturalibus, præsertim Botanicis, eruditus, deque Academia optime meritus. Is mihi significauit, penes se habere Amiantum, sibi Parisijs dum degeret, traditum, è Pyrenæis montibus erutum, cuius Amianti nonnulla frustula mihi successiuè misit. Amiantus iste omnibus, quos vidi, longior est, nam palmum Romanum æquat. Ab alijs verò in qualitate differt, nam eius filamenta crassiora, & asperiora sunt. Ac dum ista prælo subiiciebam, accessit Ill. & Eruditus Vir Paulus Maffei Eques S. Stephani, qui mihi retulit etiam in Volaterranis montibus ipsum reperiri Amiantum. Hæc breuiter de huiusmodi lapidis speciebus dicta sint. Modò ad historicos, qui de illo tractârunt, descendo.

Nimis tamen à breuitatis scopo aberrarem, si quidquid omnes de huiusmodi celebri lapide scripsère, enarrare vellem, eò magis, quò magis ipsi in idem incidere punctum; quoniam ex vnico fonte hausère aquam, nempe è magno illo naturæ Indagatore Plinio Seniore, quem Lanzius orat. pro Italia meritò naturæ Bibliothecarium appellat. Laudatus igitur Plinius lib. 19. cap. 1. de Amianto sic fatur: *Inuentum iam est, quod ignibus non absumeretur. Vinum id vocant ardentesque in focis conuiuiorum ex eo vidimus mappas, sordibus exustis, splendescentes igni magis, quàm possent aquis. Regum inde funebres tunicæ, corporis fauillam ab reliquo separant cinere. Nascitur in desertis, adustisque Sole India, ubi non cadunt imbres, inter diras serpentes, assuescitque viuere ardendo, rarum inuentu, difficile texu propter breuitatem. Rufus de cætero color, splendescit igni. Cùm inuentum est æquat pretia excellentium margaritarum. Vocatur autem à Græcis Asbestinum ex argumento naturæ. Anaxilaus auctor est, linteo eo circumdatam arborem, surdis ictibus, & qui non exaudiantur, cædi. Ergo huic lino principatus in toto orbe.*

Nonnulla in hac Pliniana narratione animaduertenda sunt; nam, quod sit rarum inuentu, ac in desertis, adustisque Sole Indiæ, vbi non cadunt imbres, inter diras serpentes, ac cùm inuentum fuerit æquet pretia excellentium margaritarum, huicque principatum in toto orbe tribuat; hæc Plinij æuo fortasse accommodari possent; dico fortasse, quoniam Dioscorides, qui Plinium longè præcessit lib. 5. cap. 13. narrat, Amiantum lapidem in Cypri nasci alumini scissili persimilem; & quia mollis est, ex illo telæ conficiuntur, quæ populo admirationem præbent, quoniam in igne positæ accenduntur, flammamque concipiunt, nec ob id in aliqua sui parte comburuntur, sed splendidiore euadunt. Ideo ex hoc Dioscoridis loco elicitur, non solum in India, verum etiam in alijs erui locis, vnde tam rarus inuentu minimè erat, & per consequens tam excellentis pretij, vt Plinius exaggerat.

In hunc Dioscoridis locum notat Matthiolus, lapidem istum non solum in igne permanere, nec suum amittere splendorem, sed si ante coinquinatus fuerat, ex igne erui mundum, & splendidum; vocari Asbeston, quia in lucernis pro ellychnio inseruit, nec solum non extingui, donec gutta olei sit, verum etiam non comburi. Lapidem istum neri, pecti, & texti. Hieroclem scribere, Brachmanes Indiæ Philosophos ex eodem lapide confecisse vestes, vt propriæ diuinitatis posteris memoriam relinquerent. Subdit ex eodẽ lapide olim funestas etiam textas fuisse vestes, quibus Regum mortuorum cadauera amiciebantur, vt cùm ipsa comburerentur, eorum cineres, ab illis lignorum distincti remanerent, vt sepulturæ tradi possent. Postea idem Matthiolus præcitatum Plinium hallucinatum fuisse redarguit, dum putat hasce telas ex quodam Indico lino confici, ac eiusdem Plinij supra enarrata refert verba, subdens, asserta à Plinio partim vera, partim fabulosa esse. Sed Matthioli pace, huiusmodi Plinij hallucinationem, siue fabulam, vt Matthiolus asserit, minimè obser-

uò, dum linum hoc ipse Plinius Asbestum vocat, quod idem est, ac Amiantus, vndè quæstio de nomine appellari potest; nam vox *Asbestos* græcè, inextinctus, scilicet qui extinguì nequit, latinè sonat; sicut dixi supra calcem denotat, quæ in igne durat; & idem Plinius lib. 37. cap. 10. scribit, Asbeston in Arcadiæ montibus nasci, colorisque ferrei esse. Quæ qualitates Amianto tribui possunt, cum eundem lapidem, siue alium ab eodem non absimilem esse putem, sed respectu regionum, fodinarumq; in aliqua parte inter se discrepare, vt in principio de quatuor Amianti speciebus, apud me extantibus enarraui. Laudatus Plinius etiam lib. 36. cap. 19. Amianti meminit, asserens, Alumini similem esse nihilque igne deperdere. Quare cum in igne duret, vt Asbestos, eiusdem naturæ ipsum esse fateri oportet. Cum igitur omnes isti Scriptores ex antecedentibus desumpserint Auctoris, & præfatorum lapidum species præ manibus minimè habuerint, periculumque de eis haud fecerint (quòd si fecissent, vtique narrauissent) mirum propterea non est, si aliquà in parte lapsi fuerint, quia oculares testes haud quaquam fuere; quare concludi posse mihi videtur, omnibus lapidibus, ex tenuibus, ac mollibus filamentis, in igne persistentibus, à natura compactis, tam Amianti, quàm Asbesti, siue lini viui, aut alterius vocis, permanentiam in igne denotantis, nomen meritò tribui, atque aptari posse. Multa copiosiori calamo collegit diligens, & eruditus Scriptor Georgius Agricola de natura fossilium lib. 5. vbi sic de nostro lapide ait: *Sequitur Amiantus, qui quanquam ex lapide calcis, & gypso non fiat, sed ex sui generis succo: tamen etià propria est natura. Amiantus verò dictus est, quòd ignis adeò non inquinat ipseus splendorem, vt etiam si in eum coniiciatur sordidus, nihil deperdens, nitidus, & splendescens extrabatur. Idem vocatur Asbestos, quòd in lucernis (sunt enim ex eo thryallides) semel accensus non extinguatur, dum aliquid olei supererit: nam ignibus non absumitur. Idem quia*

quia pexis mulierum crinibus similis est (etenim in eam figuram formatus plerunque venditur) à Zoroastre nominatur Bostrychites, quia caniciei hominis, ab alijs polia, ab alijs corfoides, quia sparsi caniciem interdum præfert, spartopolia; quia manibus netur, & textitur, à quibusdam linum: & quidem à Græcis Asbestinum, quòd ex Asbesto factum sit: à Plinio viuum, quòd in igne non soleat mori: à Pausania Carystium, quòd effodiatur ad Carystum: quia denique ad alumen scissum similitudinem habet, à Quadrigario alumen. Nascitur autem in Belgica ad Namurum: in Eisfelda, non procul ab Ilfelda Monasterio: in Norici metallis suaci: in Arcadiæ montibus: ad Carystum Euboeæ oppidum: in Scythia, in India, in Aegypto. Color ipse, vel candidus, vel cinereus, vel rufus, vel ferreus. Sapore differt ab alumine scisso, nam hoc astringit, Amiantus parum pungit linguam, minime verò astringit. Quòd ad figuram attinet, Amiantus iam scissus capilla assimilis est, qui potest scindi bacillo. Quòd ad naturam pertinet, non aliter ac metalla humorem habet internum, siccitatem externam. Quem humorem ignis, quia potentior est eius calore, nequit consumere: sordes ad lapidem adherentes consumere potest. Ardentes, inquit Plinius, in focis conuiuiorum ex ea vidimus mappas, sordibus exustis splendentes, igni magis, quam possent aquis. Quin ea oblita non accendi, obsidione Athenarum sub L. Sylla Quadrigarius compertum scribit. Sed ipse, ut dixi, alumen appellat. Quomodo etiam Strabo videtur appellare, cum ait bitumen ardens alumine restingui. Athenis in aurea Mineræ lucerna, quam fecit Callimachus, inerat thryallis ex lino Charystio, quod Pausanias scriptum reliquit. Vetus igitur est. & Atheniense exemplo multis in regionibus hodie visitatum, Amianto uti ad ellychnia. Idem lapis lauatur, pettitur, netur, textitur, tametsi quia brevis, difficulter conficiunturque ex eo non solum mappæ, qualis est Roma, sed etiam

mantilia, quæ in Saxonia Verebergi. Ex eo Braehmanes Indorum Philosophos sibi vestes confecisse Hierocles scripsit. Ex eo etiam quondam funebres Regum tunica fiebant, quibus induti in rogos ardentes imponebantur; ut corporum cinis à lignorum cinere secretus, & seclusus in sepulchro condi posset. Quamquam autem Plinius scribat, hoc linum rarum inuentu esse, & cum inuentum fuerit equare precia excellentium margaritarum: tamen hodie, quoniam eius copia extat in metallis Norici, satis vili precio venditur.

Progrediar modò ad differendum aliquid de lucernis perennibus, quæ ex oleo, hoc à lapide extracto, cum eiusdem lapidis ellychnio præparabantur, ut aliqui enarrant.

Ad huiusmodi indagandam veritatē iam à pluribus annis tentavi si quid oleacei humoris ex eodem lapide extrahere valerem: propterea oblongam cucurbitulam vitream, bene lutatā, Amianto replevi iussi, ac appposito suo receptorio, clausisque iuncturis, ignem, seruatis gradibus, accendi feci, & nil aliud ex eodem lapide exiit, nisi paucae humidi guttulæ, potius ex aëre, quàm ex lapide, qui siccissimæ naturæ est, prouenientes. Experientiam hanc denuo reiterari mandavi, occasione, quā eadem Paternitas tua præfatum Cyprium Amiantum ad me transmisit, qui aliquem humorem, ex aspectu, in se continere præseferbat; at incassum experientia cecidit, cum ex eo nihil, præter tres, aut quatuor guttulas prædicti humoris exierit, qui accendi nequit; cum aquea substantia sit.

Ulteriùs Ellychnium ex eodem lapide depurato confeci, quod immissum in oleo arsit, donec oleum, quo illinitum fuerat, durauit, quo consumpto, non obstante, quòd in lucerna aliud fuisset oleum, nihilominus ipsum Ellychnium extinctum est; idque in causa esse putarem, quia particulæ lapidem componentes ita aridæ, & minutissimæ sunt, ut nullos poros inter se contineant

ad affugendum; attrahendumque oleum. Nam ad Solem obseruavi, habens præ manibus lapidem istum præparatum, & digitis eum frians, multas ex illo minutissimas, ac lucidas partes argentei coloris, visui vix perceptibiles, decidisse; quare hallucinari illos puto existimantes, Ellychnia hoc ex lapide confici posse, cum attractionis sint expertia, quod necessarium in eisdem est.

Periclitatus sum etiam hunc lapidem, illum exponendo ignis percussioni vitrearæ vstrinæ per tres continuas hebdomadas, qui post præfatum tempus illæsus euasit, sed quid purpurei coloris contraxit.

Etiam ligneam desumpsi virgulam, quam præparato Amianti lino quaquaversum vestiui, adeo ut nullum ignis contactum sentire posset, nihilominus eandem facto lino, breui virgula in carbonem conuersa fuit.

Hinc sequitur, quod totum id, quod exardet, consumitur, at Amianti ignis tormento commissi nil deperit, quia non ardet, neque flammam reddit, & quamuis ignitus fiat, attamen non comburitur. Consumitur nihilominus, dum eum accendendo, & contrectando, aliquā sui partem amittit, quamuis sit paruissima quantitas, quoniam eundem tam ante, quam post, iussimā balance ponderati.

His breuiter enarratis de huius Salamandræ natura, nunc ad promissum filandi modum deuenio.

Antequam lapis iste neatur sequenti forma præparandus est. Accipitur, & infunditur in aquam lapis, quæ si calida sit, citius operatur, ibique per aliquod temporis spatium, quod ad arbitrium est, in infusione relinquitur. Deinde manibus contrectatur, perstringitur, & dilatatur, ut ex illo quædam tenuissima exeat terra, quæ ad similitudinem albæ est calcis, quæque lapidis filamenta inter se coniuncta detinebat. Ex hac terra aqua densa fit, & lætescens, quæ projicitur, & noua superinfunditur, & iterum manibus dilatatur, postea obstringitur, & premitur,

vt ex hisce iteratis operationibus ab omni purgetur calce; & hæc operatio fiet quinquies, sexies, & pluries, quia magis linum ab heterogeneis partibus purgatur. Successiuè tota massa è vase eruitur, & ipsum purgatur vas, quia in fundo multæ heterogeneitates remanēt. Experientia plura docebit. Lapidis filamenta, quæ linū appellari possunt, expansa ponuntur super aliquod capistrum, siue aliud simile, vt facile aqua percolari, & facilius ipsum linum exsicari possit.

Ex hisce quatuor Amianti speciebus meliorem inueni illam ex Insula Corsica, quia longa, & mollis est, illam verò Cypriam omnibus alijs deteriolem; quia non solum omnium breuissima, sed adeò dura est, vt antequam in aquam ad dissoluendum ponatur, ferreo pistillo in mortario oporteat tundi, & nihilominus difficilè à terra separatur; vnde ad nendum haud est apta.

Cogor hìc ab instituta oratione aliquantis per desistere, Paternitatique Tuæ Reuerendissimæ sententiam meam exponere. Valde quidem dubito, lapidem hunc ad te ex Cypro transmissum, ex illius genere non fuisse, qui netur, sed alium, vtrumque repertum; nam de isto Cyprio sic meminit Pancirolus in suis rebus memorabilibus titulo 4. *His, inquit, consentanea esse videntur, quæ de Cretico lino scripsit Strabo lib. 10. Id enim petram esse ait, quam attritam, capillamentis tantum remanentibus, excussa terrea materia, pectinibus aptari, contextamque inde telam per optimè confici. Eam autem igne non uri; sed sordidatam in ignem proiectam emundari. Ipseque adeo Podocattarus Cyprius Eques, qui nostro hoc seculo de rebus Cyprijs An. MDLXVI. historiam prodidit, Linum Cyprium penes se habitum Venetijs ostendit, in ignem id iniiciens, at illasum, ac perpurgatum, mundatissimumque inde recipiens. Verum illud magno est miraculo, quòd huiusmodi contexta tela non quidem ab herbis originem ducat, sed à lapide Amianto: qui in Cypro Insula*
reper-

reperitus, malleo contunditur, confusus, excussa terrea superfluitate, capillamentis suis, lini speciem retinet, ac contextitur in telam. Id visum in Podocattari edibus, coram eximia virtutis viris, non paucis testatur Porcacchius tab. 2. Funeralium. Propterea ex hoc Amianto linum confectum, & incombustibile, ut perpetuò lampadibus arderet in Baptisterio suo Romæ Constantinus Imperator statuerat, referente Damaso in Siluestro Papa. Quin & Ludouicus Viues in scholio ad D. August. lib. 21. de Ciuitate Dei cap. 6. testatur se Lychnia Parisijs permulta vidisse, quæ lucernis semper ardentibus nunquam absumerentur. Mantile quoque Louanij medio conuiuio igni datum, redditumque Domino mundius, splendidiusque, quàm posset aquis, aut sinigmatibus quibuslibet, prout literis hoc consignauit Simon Maiol. part. 1. Dierum Canicul. colloqu. 20. fol. 633. & seqq. His non absimilis, si non idem planè fuerit, lapis ille ad Carystum nascens, quem incolæ pectunt, nent, texunt. Inde mantilia conficiuntur egregiè contexta. Ea ubi sordescunt, in flammæ proiecta, non secus emundantur, quàm si maculas aqua elueris. Mentionem huius facit Matthæus Raderus (quem dum notas hæc meas recenseo, primum vidi) in commentar. ad Martial. lib. 9. Epigram. 77. Meminit Calius Rhodigin. & Ellychnij, lino Carpassio constantis, & in id ignibus nullum omninò ius fuisse scribit lib. 14. lect. antiq. cap. 18. circa finem. Refert quoque Plinius huic lino principatum in toto orbe esse: & Linteo eo circumdatam arborem furdus iestibus, qui non exaudiantur, cadi. Hæc Pancirolus. At vnde discesserat oratio reuertatur. Nuper dixi de modo lapidem reducendi in linum, nunc, quâ formâ illud neatur, exponam.

Primo loco referam ostensum mihi modum, qui talis est: pectines duo minutissimis, ac tenuissimis dentibus sumantur, ut in figura 1. & 2. ad instar illorum, quibus carminatur lana ad conficiendos pileos, siue pannos texen-

dos. His leuissimè carminetur linnm; deinde inter ambo-
rum pectinum extremitates ipsum linum claudatur, ita vt
foris promineat, ipsique pectines coli vicem præstent: su-
perponantur deinde ipsi pectines alicui mensæ, siue scam-
no, ibique firmentur, vt figura 3. sumatur postea paruus,
tenuisque fusus, vt figura 4. qui superius vncinunculū ha-
beat, vt figura 5. & inferius verticulum, vt figura 6. vt faci-
lè circumuolui possit, fusus subtili filo induatur; deinde vr-
ceolum cum oleo oportet habere, vt figura 7. cum quo di-
gitorum Indicis, & Policis interiores extremitates loco sa-
liuæ illiniantur; ad hoc, vt primo loco cutis conseruetur,
quia Asbestinum linum corrosiuum est: & excoriat; secun-
do quia oleum ipsum linum mollius reddit, & ob id com-
modius netur, quia facilius cum lino coniungitur. Acci-
pitur ergo ipsum filum, & vnitur cum lino viuo, existente
in pectinibus, & circumuoluendo ipsum filum cum eodem
lino coniungitur, quod non sine maxima patientia, ac radio
peragitur. Quādo igitur satis fili præfato lino vestitū fuerit,
poterunt ex eodem formari, siue texamenta, italicè *fet-
tuccie*, siue *nastri*; poterit etiam teli confici; sed periculum
de hac minimè feci. Quando hæc confecta fuerint oleo li-
niuntur, & proijciuntur in ignem, quæ statim accenduntur.
Ignis deuorat filum, & purum remanet amentum, siue
tela.

Secundo loco dicam, quid in hoc nendo lino experien-
tia, quæ rerum omnium magistra est, me docuerit; nam,
vidi, quod linum Asbestinum difficilè filo vnitur, & cō-
difficilius, quod ipsum linum est breuius, vndè, loco fili,
linum commune sumpsi, quod appositum colo, vt moris
est, & desumptis tribus, vel quatuor filamentis lini viui,
quæ intermixta, & inserta in filamentis lini communis in
hisce implicantur, & circumuoluendo facilius vniuntur, &
connectuntur; vndè filum ex hisce proueniens firmitus, &
durius ad texendum euadit. Quare pectinibus vri, non est
opus, quia potius dilacerant, ac abbreviant Amianti fila,
quàm

quàm vllam præstent vtilitatem, at sufficit ponere Asbestinum linum in aliquo canistro, siue mensa, illudque in parua diuidere filamenta, ad placitum, lino communi inferenda. Et hæc de modo nendi, nunc ad formandam chartam me confero.

Quando iste abluitur Amiantus, & à calce expurgatur, in vasis fundo quædam Amianti partes remanent, quæ omnibus alijs breuiores sunt, quæque ab alijs separantur; cum ob illarum breuitatem ad nendum minimè sint aptæ; ex hisce igitur partibus consucto modo charta formatur.

Nunc superest, vt aliquid breuiter exponam, quomodo Amiantus iste sic filatus, ac textus diu conseruetur; nam propter maximam eius ariditatem manibus eum contrectando in tenuissimas abit partes, vt supra enarraui. Quare melius, vt conseruetur tela, siue quodcumque aliud opus ex Amianto confectum olæo illiniendum est; nam oleum lapidis conseruationi mirum in modum prodest. Ex hac igitur illinitione non solum ipsius lapidis deducitur perennitas; verum etiam quomodo lapidis incombustibilitas demonstretur; nam facilius ipse accenditur lapis, flammaque attollitur, duratque donec totum oleum absumatur; vnde tela illa, quæ ante accensionem olei inquinata, conspurcataque apparebat, post combustionem candida, & nitida euadit; quæ postea singulis vicibus ad conseruationem, vt dixi, illinienda est, sicque in scrinio seruanda.

Hæc ego quæcumque sint in publicum, in Paternitatis tuæ Reuerendissimæ gratiam, exposui, tuoque nomini consecraui. Ea tu accipe eodem hilari vultu, bonoque animo, quo tibi dicata sunt; & me amare perge. Vale.

